

中興禮書

中興禮書第二百三十卷

軍禮一

巡幸視師一

巡幸之制唐開元禮有告至肆覲考制度之儀開寶通
禮因之太祖幸西京所過賜夏秋田租之半真宗朝諸
陵及舉大禮塗中皆服折上中窄袍出京過京城服鞞
袍具鑾駕群臣公服繫鞵供奉班及內朝官前導凡從
官並日赴行宮合班起居晚朝視事群臣不赴中頓侍
食百官就宿頓迎駕訖先發或道塗隘遠則免迎駕將
進發近臣諸軍賜裝錢出京留司馬步諸軍夾道左至
新城門外奉辭留守辭于門內百官父老辭于苑前詔
留守等賜飲苑中州縣長吏留守司官侍于境所過侍

巡警兵守津梁行郵治道卒時服錢履父老綾袍茶帛
金中賜衛士緡錢所幸寺觀賜道釋茶帛或加紫衣師
號吏民有以甕饌酒果方物獻者計直答之命官籍所
繫囚逋負者日引對多原釋仍採訪民間疾苦賑恤鰥
寡孤獨車服度量權衡有不如法則舉儀制禁之有奇
才異德及政事尤異者孝子順孫義夫節婦為鄉里所
稱者其不守廉隅昧于正理者並條析以聞官吏知民
間疾苦者亦許錄奏所過州縣結綵為樓陳音樂百戲
道釋以威儀奉迎者悉有賜東京留守遣官表請還京
優詔答之駕還大陳兵衛以入凡行幸太祖太宗不常
其數自咸平中車駕每出金吾將軍帥士二百人執提
周繞謂之禁圍春夏緋衣秋冬紫衣郊祀省方並增二

百服錦襖出京師則加執劍親王中書樞密宣徽行圍
內餘官國外大禮備儀衛則有司先布土為黃道自宮
至祀所左右設香臺畫甍著繩闌干史省在奎凡處省
翰林進號傳詩付樞密院每夕摘字令侍衛士相應為
誠東京舊城門西京皇城司並契勘內外城宮廟門並
勘箭出入皆然入藩鎮外城子城門亦勘箭朝陵扈從
官人數入柏城者僕射以上三人丞郎以上二人餘各
一人東封定仗內導駕官從人數親王中書樞密宣徽
三司使四人學士尚書丞郎節度使三人大兩省大卿
監三司副使樞密承旨客省閤門使副金吾大將軍押
仗鳴珂內殿崇班以上二人餘各一人命諸司巡察之
自後舉大禮皆循此制

中興禮書第二百三十一卷

軍禮二

巡幸視師二

紹興五年二月十一日御史臺閤門言契勘百官問聖體依條例係內殿今月十二日係後殿坐令具申請下項一今來承務郎以上武臣保義郎以上合赴外欲乞讀奏目閤門官以下並管軍內侍都知已下依常日起居免問聖體其宰臣文武百官並作一班起居問聖體更不別班俟起居問聖體訖三省樞密升殿奏事如儀一今擬定節次其日內侍傳排立皇帝初出宮禁衛班值親從親兵等迎駕自贊帝起居皇帝坐先讀奏目閤門官祇應舍人簿書官提點承受等次內侍都知

御帶以下次管軍各班次忠佐次行門並逐班常起居

次舍人分引宰臣使相樞密文武百官一班開班常起

居宰臣奏聖躬萬福訖且躬身舍人引宰臣直身出班

到班揖躬身問聖體訖歸位揖躬身再兩拜起

依宣答兩拜唱各祇候直身立三省樞密升殿奏事如儀餘

官分班出次引見謝辭上殿班畢報無公事如常儀詔

依松按五年是視師之年條下注云奉迎儀制等許其與

六年八月九日詔過者疆敵亂常阻兵猾夏兩宮北狩

六馭南巡霜露十年闕河萬里朕為人之子而鷄鳴之

問不至為人之弟鵠原之難不聞春言臣子之心誰無

父兄之念而又干戈未息疆場多虞遠戍經時不離甲

冑飛芻越險久棄室家爾不效忠朕寧不愧是用當饋

投七未明求衣勿辭馬上勞以便軍中之務若投機制
勝親將撫于六師若蓄銳待時朕則輯和于百姓且皇
帝以車為衛豈不知九重之安漢文按轡而行豈不知
四體之逸蓋國家急先務者况禍難至于此乎天保臨
之民亦勞止諒彼同舟之衆知吾發軔之情咨爾有官
各揚其職布告中外悉使聞知

十三日詔天地之大義莫重于君臣堯舜之至仁無先
于孝弟一自衣冠南渡胡馬北侵五品弗明兩宮未返
念有國有家之道必在正名盡事父事兄之誠詎宜安
處將時巡于郡國以周視于軍師爾其謹守封圻嚴戒
侵擾虔共乃職謹俟朕行

十四日尚書省言勛會已降詔旨周視軍師所有車駕

將來進發一行舟船已令禁衛所御史臺貼定水陸行
于次外竊慮臨時亂有撓越擁開爭奪壅閉理合依例
差官彈壓詔彈壓官差侍御史周秘統兵官差趙密依
例措置彈壓

同日閣門言檢會車駕巡幸留住臨安府人所掌事件
下項 一臨安府每遇忌辰于法惠寺設位文武百僚
行香 一遇文武百官立班處依舊報引班次如有立
班不到或失儀之類者並具名彈劾申取留守司指揮
施行詔依

十六日尚書省言尅擇官高掄等狀謹選進發吉日下
項八月二十四日己未吉九月一日丙寅吉詔用九月
一日

同日太常寺言勘會已降詔巡幸所有進發合奏告今
參酌比附條具到合行事件下項 一檢會故事合遣
官告天地廟社京都神祠用香幣酒脯鹿醢等出國城
日輒祭用羝羊肉合用祝文從學士院修撰 一乞于
車駕進發前二日遣官告天地社稷于望祭齋公內宗
廟于大廟奉安所 一合用御封降真香乞從入內內
侍省請降 一今來奏告祝文未審合以車駕巡幸為
意唯復以親征為意 一逐處合用幣帛乞從戶部行
下左藏庫支供 一合用酒脯鹿鷄羝羊燎草燭蠟等
並乞報臨安府排辦 一合用神位版并鋪設學生並
乞下太史局排辦 一臨安府載在祀典神祠乞令木
府差官備酒香幣祝文于車駕進發前一日祭告 一

沿路所過橋梁十里內神祠名山大川並合致祭乞依
禮例令所至州軍一面差官脩禮致祭詔以巡幸為意
餘依

同日太常寺言巡幸進發遣官奏告天地社稷宗廟各
乞差侍從官一員內宗廟乞差南班宗室一員較祭乞
差郎官一員差降勅差官所有逐處合差奉禮郎太祝
太官令乞從吏部差官如不足從本部符下臨安府差
官并合前一日于祠所致齋詔依

十八日中書門下省言勘會巡幸用九月一日進發詔
是日先赴上天竺寺燒香

同日御史臺言勘會昨車駕巡幸平江府日本臺申明
沿路遇遙拜道君皇帝淵聖皇帝朝參等更不集官若

住程州軍遇前項朝會告集官起赴外所有六參更不
集官起居奉聖旨依續準尚書劄子太常少卿陳桶
言檢會親征故事忌辰假日並權停內遙拜乞依巡幸
禮例權免奉聖旨依親征故事其御史臺申明已降指
揮更不施行所有今來車駕巡幸若住程州軍如遇忌
辰行香并宣麻慶賀六參起居朔望遙拜道君皇帝淵
聖皇帝及開啟滿散聖節道場合與不合集官詔沿路
權免候至住程州軍並集官起赴

二十日御史臺言其臨安府所掌事務合行申請下項
一將來車駕進發日御史臺閣門合集見任寄居待
闕文武百僚出城立班奉辭 一遇朔望日合集文武
百官遙拜道君皇帝淵聖皇帝乞依紹興四年十一月

九日已降指揮于行宮門外遙拜如遇雨雪濕乞依例上廊一遇聖節開啟滿散道場乞集應見任寄居待闕文武百官更不分日並赴明慶寺立班行香其建立道場所費依條百官隨料錢均出所有支不盡錢送左藏庫一將來車駕進發所有本臺行移緣已置留守司難以更稱行在御史臺欲乞只以御史臺為名應奏報等文字並乞就用本臺工察印記詔依

二十三日禮部太常寺言今具合行申請事件下項

一見依祀祭時日遇祀祭天地行禮畢依儀進胙所有將來車駕進發已後遇祀祭天地行禮乞權免進胙其前二日奏告配侑緣來迎奉神主前去乞依例權于望祭齋宮設立行禮候車駕還臨安府日依舊一將來

車駕進發若巡幸至還駐蹕處遇天寧節前一月文武百官分日啟建道場至日拜表滿散今來九月十日欲乞更不分日啟建道場是日宰執率應扈從文武百僚詣所至州縣寺院啟建道場至天寧節日拜表滿散更不作齋筵其表不入詞行在禮部收掌候問安使行日附行其啟建滿散寺院及合排辦事件欲乞令所在州縣預行踏逐排辦關報所屬施行一所有應在行宮文武百僚詣明慶寺啟建道場并拜表滿散不作齋筵等亦乞依此施行一每遇忌辰行香合用位牌花瓶倚卓麻爐起合炭火湯瓶茶盞托奠茶盃子鈔鐺盆臺拜席褥僧道功德疏行香乳香并僧正司差合于僧職齋位牌及疏文前期赴寺看詳依禮例所屬州軍應副

今來車駕巡幸欲乞依自來禮例報所至州軍依此排
辦所有行香寺院亦乞令所至州軍預先踏逐一所
有車駕進發已後臨安府每遇忌辰欲乞令行宮留守
率文武百僚依舊于法惠寺行香詔依

二十六日行宮留守秦檜等奏臣恭被命差留行宮除
百司常程事已有指揮聽與決外其留守行宮一司合
行事務並乞依紹興四年孟秋已得指揮照應施行詔
依

九月一日車駕自臨安府登舟二日次臨平鎮三日次
崇德縣四日至皂林五日次秀州六日次平望七日次
吳江八日次平江府

十日御史臺狀勘會今來車駕巡幸其留守司百官依

條合五日一次拜表起居已申行宮尚書省其拜表日
欲乞就六參日分合取自朝廷指揮劄付禮部依御史
臺所申

同日樞密院言勘會今來車駕巡幸親撫六師今月八
日已至平江府竊慮四方傳聞不一別致疑惑詔令諸
路帥守監司散出文榜分明告諭軍民通知仍多方借
置彈壓盜賊務要境內肅靜無致紛擾生事

七年正月一日詔朕獲奉丕圖行將一紀每念多故惕
然于心昨以盛秋載親戎乘露蓋于野率示四方屬叛
逆之來侵幸以時而克定重念兩宮征駕未還于殊微
列聖陵寢尚隔于妖氛黎元多艱兵革靡息永惟厥咎
在予一人其要即安彌忘大業思鼓士氣以恢遠猷惟

黃帝以上聖之君無常居之邑周王當平治之日有千
邁之師朕于斯時敢替前軌將乘春律往臨大江駐蹕
建康以察天意播告遐邇俾迪朕懷

二月二十八日車駕自平江府進發次荆谿堂二十九
日至常州三十日次呂城閘三月一日次丹陽縣

二十九日巡幸隨軍都轉運使梁汝嘉言契勘鎮江府
城內河緣潮汎非時舟船擁隘通放未盡又緣自淺澁
以來慮廢民力不敢大段開濬今相度欲候御舟至本
府南水門外繫泊進輦徑入行宮詔依

三月二日詔巡幸建康府沿江津渡權依黃河法候邊
事寧息日依舊七日至建康府駐蹕

十日知建康府葉宗謬言車駕移蹕到府欲乞率本府

文武官朝見詔依

十七日中書門下省言勘會車駕巡幸已至建康合行奏告天地宗廟社稷諸陵詔令太常寺疾速條具合行事件申尚書省

十八日太常寺言今後參酌奏告禮例條具到合行事例下項 一設位去處內天地社稷乞于天地慶觀諸

陵乞于保寧寺設位行禮所有合用祭器乞于太廟奉

安所闕備 一合用祝文一十五首一首天地二首宗廟十

首並建康奏告之意 乞下學士院修撰 一合用御封

降真香一十五合乞下入內內侍省請降 一合用幣

帛一十五段一若一奠一白 乞令戶部行下左藏東庫支

供一合用神位版並鋪設學生乞下太史局排辦祇應

一奉告天地宗廟社稷每位各合用酒二升鹿脯一
段重四兩鹿藿二合半真蠟燭三條每條重四兩及上
香炭火香爐并神席藉祭器席燭臺條祝盆拜席褥等
並乞下建康府排辦 一奏告諸陵合用表文二十九
通

並述以卑陋之意

建康奏告之意

乞下學士院修撰內昭慈聖獻

皇后攢宮表一通交付入內內侍省降香人一就齋降

前去 一奏告諸陵合用御封降真香二十九合乞下
入內內侍省請降內昭慈聖獻皇后攢宮香一合乞令
本省差人齋香計會學士院表文一就降付本處候香
表到日令紹興府擇日排辦奏告 一諸陵每位合用
升果子五壘六搽并倚卓倚背座子盤子托香爐燭臺
真蠟燭注碗帳設乞下建康府排辦 一攢宮合差奏

告官一員依例係紹興府差外官宗室充太祝一員以文臣充並前一日致齋詔依

同日太常寺言據太史局選到奏告日辰宜用三月二十三日乙酉吉二十六日戊子吉本寺欲令乞奏告天地宗廟社稷用二十三日諸陵用二十六日所有奏告天地合差奏告官一員依例降勅差執政官宗廟合差奏告官一員欲降勅差建康府見任外官宗室太社太稷合差奏告官一員依例降勅差侍從官逐處各合差奉禮郎太祝太官令各一員並乞下建康府差官奏告諸陵合差奏告官二員欲乞降勅差建府康見任外官宗室充并差太祝二員乞下建康府差官詔依
十二月一日詔防秋之際閑慢官司發住臨安府庶幾

朝廷專意軍務候來春復幸浙西

二月七日行宮御史臺太常寺閣門言準行在尚書省
劄子奉聖旨已降指揮復幸浙西可用二月七日進發
契勘如將來車駕進發至臨安府行宮所有應合行排
辦事件及奉迎車駕儀制等欲乞並依紹興五年車駕
回臨安府禮例其至日留守率文武百僚出城五里外
奉迎車駕緣立班處別無屋宇欲乞依例劄下臨安府
相度量行修蓋席屋充臣僚待班幕次及值雨立班去
處詔依其奉迎儀制等詳具
紹興五年更不重載

同日車駕自建康府進發次東陽鎮八日次下蜀詔所
過州縣量免租稅九日次鎮江府十一日次丹陽縣十
二日次呂城十三日次常州十四日次無錫縣十五日

次平江府十八日次吳江縣十九日次秀州二十日次
崇德縣二十一日次臨平鎮二十二日至臨安府章亭
驛降舟皇帝還宮

中興禮書第二百三十二卷

軍禮三

巡幸視師三

紹興三十一年九月詔金人背盟失信今率精兵百萬躬行天討用十二月十日車駕進發應行宮臨安府文武百僚城北奉辭其日應文武百僚先城北幕俟車駕御舟將至御史臺閣門太常寺分引文武百僚立定班兩拜訖俟御舟過班退

九月二十九日詔金人無厭背盟失信軍馬已犯川界今率精兵百萬躬行天討

十月一日詔朕履運中微遭家多難八陵廢祀可勝杯土之悲二帝蒙塵莫贖終天之痛皇族尚淪于沙漠神

京猶汚于腥羶銜恨何窮待時而動未免屈身而事小
庶期通以弭兵屬戎膚之無厭曾信盟之勿顧怙其篡
奪之惡濟以貪殘之凶流毒徧于華夷視民幾于草芥
赤地千里謂暴虐為無傷蒼天九重以高明為可侮輒
因賀使公肆嫚言指求將相之臣坐索漢淮之壤吠堯
之犬謂秦無人朕始務于含容彼尚飾其姦許嘯厥醜
類驅吾善良妖氛交結于中原烽火遂交于蜀道皆朕
威不足以震疊德不足以綏懷負爾萬拜于今三紀撫
心自悼流涕無從方將躬縞素以啟行率貔貅而薄伐
取細柳勞軍之制考澶淵卻狄之規詔旨未頒歡聲四
起歲星臨于吳分冀成淝水之勲聞士倍于晉師當決韓
原之勝尚賴股肱爪牙之士文武大小之臣戮力一心

捐軀報國共雪侵陵之耻各肩恢復之圖播告遐邇明
知朕意 又詔契丹與我為二百年兄弟之國頃緣姦
臣誤國招致女真彼此皆被其毒朕既移蹕江南而遼
家亦遠徙漢北相去萬里音信不今通天亡此虜使自
送死朕提兵百萬收復中原惟爾大遼豪傑忠義之士
亦宜協力乘勢殲厥渠魁報耶律之深讐將來事定通
好如初命吳璘為陝西河東路招討使劉錡為京畿淮
北京東路河北東路招討使成閔為京畿西路河北西
路招討使楊存中御營宿衛主管馬軍司公事成閔兼
鎮江府駐劄御前諸軍都統制淮南東路制置使京東
西路河北東路淮北泗宿州招討使李顯忠為淮南西
路制置使京畿河北西路淮北壽亳州招討使依前建

康府駐劄御前諸軍都統制吳拱為河北京西路制置使京西北路招討使依前鄂州駐劄御前諸軍都統制二十二日給事中全安節中書舍人虞允文起居舍人劉珙右司郎中徐度右司郎中呂廣問樞密院檢討諸房文字洪邁言准十月十八日尚書省劄子臣僚上言仰惟陛下奮發英斷以虜人渝盟將行天討比之已前巡幸事不同其所帶官司宜從簡省臣竊聞見照紹興七年巡幸事體緣當時隨駕官司其間多有閑慢不切今若依例差撥深慮儀衛繁冗州縣難于應辦臣愚欲望聖慈先期特詔大臣專委辦舍都司檢詳同將內外百司及省院諸房預行排定將來六飛順動除奉行軍期緊急及專行房分各量差官吏隨行或有合係他司

或別所行者就委兼管其餘悉留行常程事務所有沿
路有司雖排辦亦宜上體陛下恤民之意比之昨來巡
幸之例亦令減削務不廢司而已其或官吏貪緣騷擾
並當重置典憲庶幾君臣上下專心軍事早臻恢復詔
依奏安節等尋行下諸司諸軍糧審院契勘去後據逐
院供稱昨緣居民遺火沿燒案牘無憑檢照今隨宜參
酌下項 一六曹郎官欲止差八員內吏部七司戶部
五司欲各差二員禮兵刑工部各差一員 一諸官司
並六曹應所轄去處等官欲乞從所隸照應前項六曹
郎官減差員數及兼管職事具申朝廷施行 一內外
百司人吏欲乞各令照應昨紹興七年已減人數更減
三分之一差撥若其間官司有案牘不存無憑可照去

處即從本處量行分差父不得緊冗多行差撥 一契
勘內外及應奉官司如有係緊切委寔不可分差去處
並閑慢不須隨逐前去官司即令本處隨宜申請施行
詔依

同日詔巡幸可令有司擇日取旨進發

二十二日詔朕德不足以懷遠人致金人復背盟好勞
我將士蒙犯矢石朝夕念之坐不安席食不甘味自今
月二十四日當避正殿減常膳

同日太史局狀今選定車駕巡幸進發吉日宜用十月
二十九日戊辰十一月五日癸酉十一月九日丁丑並
吉詔用十月二十九日

二十六日太常少卿王普等劄子已降指揮十月二十

九日車駕巡幸今比附昨紹興七年車駕巡幸禮例合
行申稟事件 一每遇祀祭天地等合用祝文係秘書
省修撰進書訖降付祠所及御封香條入內侍省請
降付本寺供應今來車駕巡幸欲乞將日後祭祀香祝
從本寺預行開具關報逐一面申吏部差短使管押赴
行在通進司進請御書訖都行管押赴行宮遇祭祀供
使 一每遇祀祭天地等依議行禮畢合行進昨今來
車駕巡幸欲乞以後遇大祀行禮依例權免進昨 一
今來車駕巡幸宰執從駕如日後每遇祀祭天地等合
差宰執乞從本寺申行宮尚書省輪差宰執行禮若執
事相妨乞依例輪差侍從權攝詔依
同日閤門言檢會紹興六年車駕巡幸進發前二日不

視事止內殿引宰執奏事所有今來車駕巡幸進發前
二日朝殿取進止詔依

同日太常少卿王普等言今來車駕巡幸今具合行事
件 一車駕進發前一日詣恭文順德仁孝皇帝几筵
前行奉辭燒香之禮如宮中之儀 一輓祭並臨安府
載在祀典神祠及沿路所過橋梁十里內神祀名山大
川並合致祭如紹興六年之制詔依

同日王普等又言勘會紹興六年車駕巡幸自臨安府
赴平江府七年自平江府赴建康府當時迎奉宗廟前
去本寺差少卿一員充提領官博士一員充同提領官
量將帶人吏前去應辦宗廟逐時祭饗今來車駕巡幸
緣宗廟并恭順文德孝仁皇帝几筵并不奉迎前去兼

即日歲終祀祭天地宗廟等及將來虞祭祔廟并在行宮臨安府依時舉行本寺官吏緣有上件應務事務係在行宮臨安府難以隨逐前去詔依

同日七日詔巡幸改用十一月五日進發

同日太常少卿王普等言勘會今來車駕巡幸本寺有合條具奏事件 一今來車駕進發已後每遇忌辰欲乞依禮例行宮文武百僚依舊于景靈行香 一沿路及所至州軍遇忌辰欲乞依禮例權免行香所有應遇假日并不作休務 一今來緣見任恭文順德仁孝皇帝服制之內欲乞沿路并所至州軍并禁止音樂 一將來冬至正旦拜表稱賀緣現在恭文順德仁孝皇帝服制之內已申朝廷乞行奉慰具行宮官僚所有今來

車駕巡幸沿路若遇冬至正旦欲乞權免奉慰其行宮
官僚遇冬至正旦及旦望日子和寧門外望行在拜慰
表所有表文乞令禮部修撰俟拜表訖付進奏院入遞
投進詔依

同日閣門言檢會車駕巡幸舊例條具到事件 一沿
路輦唱州縣官起居班次每日輪差舍人五員祇應
一車駕進發如有見謝辭并在假臣僚投下到膀子並
權放俟到駐蹕處遇有朝殿依年例施行 一沿路如
有降到臣僚告勅之類合該投告勅者依例差承受就
賜不得收受事例 一沿路所到州縣守令隨班延見
如有合奏陳職事令我服上殿如未經上殿人權免審
察合供紉家狀者亦權免 一車駕駐蹕處起居班次

並如假日儀權令侍從官已上越起居 一將來車
駕進發日御史臺閣門集見任寄居待闕文武百僚赴
城外奉辭 一扈從駕臣僚及應奉官司等并依圖本
次序行舟如有差互爭擁遏河道並令御史臺閣門
覺察彈奏 一管軍並統兵官並許服戰袍從駕 一
沿路逐日至住程處欲乞令閣門已下并管軍御帶依
舊例并不候宰執到令先起居或奏萬福訖退庶得不
致擁遏 一沿路侍從官依紹興六年例並免起居詔
依

十一月一日中書門下省言勘會車駕巡幸見已改日
將來不測進發應經由去處監司帥守州縣官等往往
出郊遠迎竊慮有妨職事詔止許在本處門外起居

二日詔巡幸已降指揮今月五日進發緣係顯仁皇后禋祭令有司別行擇日

十二月四日詔已降指揮巡幸視師可用十二月十日進發

五日詔曰朕以逆亮渝盟侵犯王畧肆頒詔旨躬往視師久已戒嚴屬茲進發凡遠邇股肱之郡小大文武之臣宜體朕心各揚爾職毋縱姦宄毋虐善良毋事征求毋擾獄市內則輯寧于封部外則式遏于寇攘大勳永底于丕儀

六日禮部太常寺言今來車駕巡幸依已降指揮用十二月十日進發今具行宮臨安府文武百僚城外奉辭車駕儀注如儀左

其日應行宮臨安府文武百僚先詣城幕次俟車駕御舟將至御史臺閣門太常寺分引文武百僚立班兩拜訖若中使宣諭再拜訖且躬身宣訖又再拜直身立以俟車駕御舟過班退如直雨泥濘免拜止逐幕次立班詔依

同日知臨安府趙子瀟言已降指揮車駕進發臨安府守臣前期一日詣臨平鎮奉辭合取自朝廷指揮詔令于餘杭門首奉辭

八日臣僚奏臣竊以漢高帝在項籍方強之日已令祠官祀天地四方上帝山川以時祀之光武當赤眉未滅之際已起高廟建社稷立郊兆于洛陽蓋帝王之興也受天明命俾作神主雖干戈未定而祭祀之禮不可廢

也惟我祖宗明德恤祀咸秩無文陛下中興秩祠不絕
茲者鑒興順動而百官留務皆在臨安府行宮伏望明
詔有司凡祭祀之禮舉行如舊揚其職無或不恭詔依
同日禮部太常寺言已降指揮車駕巡幸視師有合申
請事件 一勘會依紹興七年車駕巡幸禮例行宮官
僚五日一拜常參起居表今來車駕巡幸視師緣在恭
文順德仁孝皇帝服制之內依已降指揮行宮官僚遇
旦望日子和寧門外望行在拜慰表所有五日一拜常
參起居表欲乞權免其旦望日如值雨雪或地面沾濕
欲乞權免拜表其表文徑付進奏院入遞投進 一閤
門申請到指揮將來車發進發沿路州府縣鎮官吏並
就本處起居并奉辭今來緣在恭文順德仁孝皇帝服

制之內所有今來車駕經由州府縣鎮迎駕起居奉辭
官并乞常服黑帶去魚就本處起居奉辭詔依

十日車駕自臨安府進發視師次臨平鎮十一日次秀
州崇德縣十二日次秀州十三日次平望十四日次平
江府姑蘇館十五日自姑蘇館乘馬次平江府行宮殿
十六日次無錫縣十七日次常州荆谿館十八日次呂
城縣十九日次丹陽縣二十日次丹陽館二十一日自
丹陽館乘馬至鎮江府行宮殿

二十八日詔進發建康府用正月三日如值雨別行擇
日

三十二年正月三日車駕自鎮江府出陸乘馬次下蜀
鎮四日次東陽鎮五日次建康府大內

九日行宮閣門狀准行宮禮部太常寺申勘會今來車
駕巡幸視師如遇行在降到詔命其行宮百僚竊慮依
故事合有恭拜等典禮劄付行宮禮部太常寺討論申
行宮留守司契勘于典禮即無該載令隨宜討論合行
事件下項劄付行宮禮部太常寺依討論到事理詔依
一如遇降到詔命乞劄下御史臺閣門太常寺集行宮
文武百僚于尚書省都堂望行在拜詔宣讀 一所有
差宣讀詔書官及拜詔儀範乞從閣門預行差撥及修
定儀範關報所屬 一降到詔書如係止賜行宮留守
乞更不集官宣讀依自來宰執受詔書體例施行 一
如遇行在降到賜文武百僚詔命欲乞是日請詔命于
都堂望行在設案置定御史臺閣門引文武百僚立班

定揖班首已下躬身兩拜訖直身立閤門引宣讀舍人一員詣案前跪首詔命訖案退次舍人二員對展于班前南向宣讀訖舍人少退面西立再揖班首以下躬身兩拜訖直身立次引宣讀舍人于班首前相向各稽首舍人轉詔命班首接訖出笏退所有合用制案衣欲乞行下禮部如遇聽詔命日分時暫權行闕借

二十一日詔凡者視師江上虜騎遁去兩淮無警已委重臣統護諸軍一面經畫進討今暫還臨安奉恭文順德仁孝皇帝祔廟之禮重惟建康形勢之地宜令有令司增修百官更舍諸軍營寨以備往來巡幸應諸軍合行推賞除立功人別行推恩外應扈衛人令御營宿衛司出成恭露人令主師往來道路勞役人令成閔各開

具的寔人數保明聞奏

二十二日太史局狀奉聖旨已降指揮暫還臨安可令有司擇日進發本局今選定進發吉日宜用二十一日戊戌吉六日癸卯吉七日甲辰吉十日丁未吉詔用二月六日

二十五日御史臺言已降指揮暫還臨安用二月六日進發所有水陸行次乞依昨日臨安府至建康已得指揮施行詔依

二月一日尚書省送到白劄子竊見前日仗衛進發導從雖有甲兵至于主上馬前左右却無翼蔽欲望明勅有司自今行道隨上在所令御營軍馬外衛兩旁親從諸班素隊環繞詔依

四日行宮御史臺閤門太常寺言勘會將來車駕巡幸
視師回所有留守率文武百僚出城奉迎車駕儀注修
蓋立班席屋及作歇泊假百官起居問聖體欲乞並依
紹興五年八月已降指揮施行詔依

五日主管禁衛所奏准臨安府牒照會今來聖駕回鑾
本府即未審御舟合于甚處登岸遂具奏聞奉聖旨此
郭稅務亭登岸

六日車駕自建康出陸進發次東陽鎮七日次下蜀鎮
八日次丹陽館九日次丹陽縣十四日次呂城縣十一
日次常州荆谿館十二日次無錫縣十三日次平江府
十四日次平望十五日次秀州北門外十六日次崇德
縣十七日次臨安鎮

十五日太常少卿王普言二月十九日真宗皇帝忌辰百赴景靈宮行香其扈從臣僚歸自道途方給歇泊假使之沐浴澣濯然後就列若令便赴行香竊恐未至嚴肅欲乞是日權免赴赴詔

同日閣門奏車駕至臨安府依例自次日作歇泊假三日已後依舊後殿視事詔依

十六日臨安府狀照會車駕回鑾依已降指揮百官出城奉迎起居經由餘杭門若依每日時刻開門竊慮遲晚却致擁隘欲望指揮劄下大內鑰匙庫至日權于五更二點給付鑰匙開門詔依

十八日車駕次臨安府餘杭門外稅務亭御輦乘馬入餘杭門至祥曦殿入宮

閏二月十七日禮部言太常寺少卿王魯劄子伏覲車駕巡幸視師前期遣官奏告諸神誠心感格饗應昭彰遂使逆亮誅夷虜騎遁去兩淮無警舊疆寢歸茲者回鑾臨安當行報謝之禮其江瀆三元水府及沿江神祠昨曾致祭今乞遣官報謝詔令禮部太常寺條具申尚書省今條具報謝江瀆三元水府江神欲依本官所乞候指揮下日從本寺依所祭告已行禮例關報所屬排辦差人齋降赴逐處報謝詔依

二十三日宰臣陳康伯等言恭覲皇帝陛下以金人叛盟見避正殿今來逆亮誅夷虜騎遁去臣等率文武百僚上表奏請皇帝御正殿伏奉批答所請宜允今據太史局選到御正殿宜用閏二月二十五日壬辰吉取進

止詔依

三月三日入內侍省言准太常寺闕請降車駕巡幸
視師回鑾報謝天地宗廟社稷宮觀諸神御封降真香
數內昨祭告江瀆并三元水府承指揮差中使齋告命
香祝等前去逐處致祭日陪位立班今來闕到止是齋
降御封香赴逐處即不陪位立班兼目即散祇候使臣
闕人差使欲乞數奏差快行親從二人內一名齋降鎮
江府舟徒縣金山下元水府并建康府江瀆照靈孚應
英烈廣源王香一名齋降太平州當塗縣採石山中元
水府并江州彭澤縣馬當山上元水府香其所差快行
并合差檐擎兵士並依齋奉福州應天啟運宮香表前
後已後指揮施行詔依

中興禮書第二百三十三卷

軍禮四

巡幸視師四

孝宗隆興二年十一月六日詔向者虜帥移書執政復欲議和朕以生靈之故不憚屈已苟可以休兵息民者一無所吝而虜情變詐意有包藏遣使在途興師厥境侵擾淮甸虔劉吏民曲直甚明神人共憤朕當擇日親往視師所過務望從節省並不得有所騷擾可令學士院降詔後虜人退遁不曾進食

淳熙元年三月二十一日幸玉津園二年四月十八日六年三月二十二日七年二月二日八年三月十八日十年三月十八日十二年四月二十五日十三年三月

二十六日十四年三月二十二日

四月十二日詣德壽宮恭請太上皇帝幸聚景園

六年三月九日恭請上上皇帝太上皇后同幸詳見恭請

九月十八日幸玉津園宴射四年三月十日再幸詳見宴射

二年二月二十日幸天竺寺等處燒香回幸聚景園
三年三月十八日幸報恩光化禪寺等處燒香回幸聚景園

十二月八日詣德壽宮起居進早膳次幸佑聖觀燒香
四年五月一日六年二月一日八年三月一日九年三月一日十年九月十五日凡五臨幸

四年三月八日幸太學次幸武學詳見太學

三年二十六日幸聚景園八年三月二十五日十三年

四月二十四日

松本此條見永樂大典一萬八千五百八十七卷接隆興二年條下後雜錄述

幸之事無附載于此仍其舊附載于此

中興禮書第二百三十四卷

軍禮五

禡祭

紹興三十一年十月二十日禮部太常寺言準尚書省
劉子奉聖旨金人叛盟朝廷不得已而興師合奏告天
地宗廟社稷等除已條具外今檢準國朝典故咸平四
年七月十六日詔太常禮院定禡祭儀付河外三路總
管今欲依上件典故令三招討使行禡祭之禮今參酌
條具合行事件并修立到行禮儀注 一合用御封降
真香三合乞令入內侍省請降 一合用祝文三省
並述以金人叛盟朝廷不得已而興師之意乞令學士院修撰書寫進書記
降付進奏院同香入遞前去 一合用祭器幣帛鹿鬻

鹿脯法酒真蠟燭等並乞令所在州軍排辦應副祭器

如闕以常器代幣帛一段長丈八尺小尺以熟白法酒

二升鹿醬五合以鹿肉代鹿脯一段重四兩真蠟燭三

條上香炭二斤 一行禮日辰用剛日庚子日候降

到香祝日令本軍擇日行禮 一獻官一員以大將軍

招討使充招討使一奉禮郎太祝太官令各一員以所

在州縣官充招討使一行禮儀注并合排辦事件等

候今降指揮下日令都進奏院同所降看祝文一就入

遞前去本軍及令本軍具排辦事件牒報所在州軍應

詔辦詔依

禡祭儀 闕

中興禮書第二百三十六卷

凶禮一

永祜陵

訃音

紹興七年正月二十五日何蘇奉使回得金國右副元帥書具報道君皇帝久違何豫厭世升遐寧德皇后亦已上仙禍變非常五情崩潰叩地號天無所迨及凡在

臣庶悉同哀慕紹興五年四月二十二日遼君皇帝

日訃音至是日宰臣張浚等入見上至七年三月二十五

以宗廟社稷為念少卿聖情之浚等執哭具奏曰願陛下

止云自明問太漿卿康不八口浚等執哭具奏曰願陛下

少進軒殿不從浚等奏請至內東門外待宣文以請其不許

內侍除出宣諭勉為卿等進弔解下浚等再拜而退

同日禮部太常寺言今來參酌到聞喪恤禮內合擇日奏告天地宗廟社稷諸陵詔依

正月二十六日詔諸路州縣管內寺觀各為道君皇帝寧德皇后修建道場七晝夜仍令諸州縣禁屠宰三日正月二十七日詔曰朕惟道君皇帝臨御天下二十有六年深仁厚澤宇內蒙休惟我庶邦之人自幼至壯由壯及老仰事俯養恩固有歸遭值危運逮狩沙漠風露匱薄春秋寢高遂至大漸比因回便忽奉崩問寧德皇后亦已上仙殞裂于中哀迷在疚凡曰在生孰無父母念我王室寧不盡傷載惟海上之盟本出極民之計變生不測翻以階禍越自纂承膏肓思奮枕戈講武實圖奉迎以伸子養永懷莫逮抱痛終天已遣使人奔問諱

日請還梓宮皇天上帝悔禍之延以時來歸卜宅陵寢
想惟四海同朕哀誠應見禁罪人聞殺劫殺謀殺減一
等刺配千里其餘死罪情理輕者奏取指揮流罪以下
遞降一等杖罪以下釋之

同日太常寺言勘會今來道君皇帝寧后寧德皇后升
遐已降指揮擇日奏告尋闕太史局選用二月二日甲
午吉令比附列排辦事件下項 一合用祝文一十五

首

並述以道德皇帝寧后前奏告之意

並乞下學士院修撰書寫進書

一合用御封降真香一十五合乞下入內侍省取
降 一奏告宗廟奏告官係降勅差宗室南班官乞就
差五饗獻官 一奏告天地社稷所用神位版并鋪設
祇應人下太史局差 一逐處各合用奉禮郎太祝太

官令共九員乞下平江府差 一合用幣帛共一十五

段各長一丈八尺二寸二分乞下戶部行下左藏庫

支供 一逐處合用酒脯禮料神席縮酒茅等下平江

府排辦詔依封自後凡遇諸降祀文學士院修撰書寫御

正月二十八日詔平江府為道君皇帝升遐寧德皇后

上仙應在府城裏內外諸寺院自指揮到日為始共聲

鐘一十五萬杵

正月三十日太常寺言勘會今來道君皇帝寧德皇后

升遐奏告天地奏告官一員乞差宰執奏告太社太稷

奏告官一員乞差從官詔依

几筵

紹興七年正月二十五日太常寺言契勘今來道君皇

帝寧德皇后二位几筵欲做景靈宮分前後殿設帷詔
侍梁邦彥

正月二十六日內侍省都知梁邦彥言今來几筵殿每
日三日逐七合七百日即未審合如何作道場其僧道
尼各若干人數詔每日差僧道各三十五人啟建道場
一月三日作永隆齋首七作黃籙醮二七作大會已後
逐七以水陸黃籙齋醮相間排設

同日尚書省劄子幹辦天章閣江諮申準差主管道君
皇帝寧德皇后几筵續差收神帛羅二遐未審使於二
位倚子上安設唯復且收奉乞降下遵守太常寺勘會
今來神帛合便修結於各位倚上安設劄下照會施行
三月三日禮部太常寺言將來移躔建康合行欽奉道

君皇帝寧德皇后几筵前去所有公路水陸合行典禮
劉付禮部太常寺討論申尚書省今討論下項 一乞
進發前一日車駕詣几筵前行奏告之禮 一至日迎
奉几筵於禁衛內御舟前進行 一合修製輦輿織扇
并執打從物之類指揮所屬隨宜修製仍乞御輦院御
龍直指說制度名件 一合差擎輦輿官下御輦院計
會本殿合用人數差裝著儀注全 一水路合用大船二隻
其船內令儀鸞司各設帳一座奉几筵 一陸路乞於
排頓處御帳側乞令所屬別設帳一座安奉几筵二位
一合差禁衛園子并執打織扇從物諸色等人乞令
主管禁衛所量人數分擘那差並乞別作色號 一至
日迎奉几筵進發乞令几筵提舉欽奉官燒香捧遷升

輦與其合用香二合令入內內侍取降付本殿供燒建至

度所燒香

一經過州縣隨宜排祭一座所有僧道並

不得過百人縣並不得過六十人供養止用素食一

沿路奉迎祭奠儀其日禮生預生長吏以下並權易皂

角帶詣城外俟几筵船將至立班定班首已下並再拜

訖班首詣香案前拈香上香再上香三上香跪一奠茶

三奠酒執笏悅伏興復位立並再拜訖少立俟几筵船

過班退

如值雨

降詔依

二月二十一日太常少卿吳表臣言今來迎奉道君皇

帝寧德皇后几筵於禁衛內御舟前進行所有每日早

晚上香如宮中之儀今欲參酌下項一水路每日早

御舟先詣道君皇帝几筵船燒香畢升舟次詣寧德皇

后几筵船燒香至晚宿頓如之 一陸路每日早皇帝
升輦先詣道君皇帝寧德皇后几筵前燒香畢升輦進
行俟至宿頓燒香如上儀訖升輦歸御幄詔依
三月十四日宰臣張浚等奏將來道君皇帝寧德皇后
卒哭大小祥欲率百僚詣几筵殿燒香詔依

赴臨

紹興七年正月二十五日尚書省劄子太常寺申檢會
紹興元年故事未成服以前在京文武臣僚諸司長吏
以上及近臣列校每日朝參官以上朝晡臨並於宮庭
如排立不盡隨宜趙那於宮門外仍乞應合赴臨官並
易角帶去飾劄付太常寺依所乞

同日尚書省劄子太常寺申令有合行申陳下項候指

揮今送太常寺照會疾速施行 一至日設位去處合
用倚卓座子踏床褥子花瓶麻爐喫食茶酒果香器皿
等並百官朝脯臨合用香案麻爐匙合炭火等物並乞
下梁都知委官排辦一百官朝脯臨儀百官預於幕次
俟引班入立定班首已下再拜訖次引首班詣香案揖
笏三上香訖出笏復位舉哭哭止再拜訖退内幕次乞
下儀鸞司排辦香乞令平江府供應

同日禮部太常寺言今參酌到聞喪恤禮禮初發國書
自當日皇帝不視事擇日成服自聞喪至小祥百官朝
脯臨自小祥至禫祭朝一臨詔依

同日尚書省劄子檢會祖宗累朝舊制喪服以日易月
在外三日而除合照應施行外契勘行在除朝參官以

上合赴朝晡臨諸軍統制統領官輪日赴臨並成服其餘將副并部隊將管隊使并散使臣陞朝官以上及將校尉副指揮使以上常服哭於本營三日而止其常日朝殿祇應排定立行門禁衛班直將校副指揮使以上并御前忠佐候百官赴臨即哭於殿門外應士庶婚嫁三日服除外不禁劄付太常寺

正月二十七日尚書劄子太常寺狀勘會留守司并臨安府係是行宮所在即非在外其朝晡臨合通二十七日劄付禮部疾速施行

正月二十八日宰臣張浚等言據太常寺申契勘陰陽家每遇辰日忌哭今來羣臣朝晡臨若遇辰日未審合與不合舉哭詔辰日不得忌哭

二月五日尚書省言武臣保義郎以上見赴臨今來過小祥若依前盡行趁赴切慮軍務相妨詔修武郎以上依舊趁赴餘並免

立重

紹興七年正月二十五日太史局言權太常少卿樓照等劄子勘會依故事成服日立重今來即與故事不同欲乞自聞喪次日立重今太史局就日擇時安立奉聖旨詔依本局今選定破服立重於正月二十六日戊子吉內擇吉日宜用其日丙時破服立重並吉并選定收髮掛服吉日宜用正月二十七日己丑吉時宜用當日庚時吉詔依

成服

紹興七年正月二十五日尚書省劄子權太常少卿樓
照等言今檢照永昌永熙陵故事皇帝服布斜巾四脚
裙袴帽竹杖腰經青經直領大袖布襖衫白陵衫視事
日去杖經小祥日改服布四脚直領布襖衫腰經布袴
大祥日服素紗軟脚折上中淺黃衫黑銀帶去杖經經帶首經劄
付內侍梁都知疾速製造

同日太常寺言檢會永熙陵故事擬定羣臣服並係新
策中書門下樞密使副尚書翰林學士節度使金吾上
將軍文武二品以上布斜巾四脚大袖襖衫裙袴腰經
竹杖絹襯服頭冠文武五品以下并職事官監察御史
以上內客省使招宣知閣門事前殿及入內都知押班
布頭冠幞頭謂四脚大袖襖衫裙袴腰經自餘文武百官

布幘頭

謂四頭

幘衫腰經內外命婦合入臨人布裙衫

幘

無幘人

首經絹襯衫幘頭又參酌永熙陵故事軍人

百姓等白衫紙帽婦人素纓不花釵三日止勘會祖宗

累朝舊制喪服以日易月在外三日而除舊來沿邊州

軍不許舉哀緣諸大帥各係國家腹心牙爪之臣休戚

一體至於將佐皆懷忠憤合就所屯軍處自副將而上

咸服賻臨其餘部隊將管隊使臣并散使臣陞朝官以

上及將校副指揮使以上並常服哭於本營三日而止

應士庶婚嫁三日服除外不禁詔依

同日太常寺言先已參酌故事擬定羣臣喪服所有建

國公合依二品以上官服緣建國公年未及冠按禮經

童子哭不依不踊不杖不菲不廬

注云未成人不能備禮

今參酌

欲依所定二品以上服制內除去冠杖兼建國公未服
朝謁所有朝晡臨亦不合趁赴詔依

同日太常寺言檢會景德元年故事係皇帝成服後未
聽政前百官並詣萬安宮進名起居俟將來皇帝成服
後未聽政前百官並詣行宮殿門進名起居詔依

同日尚書省劄子權太常少卿樓照等劄子檢會紹興
元年故事製造孝服係差越州通判一員曹官一員同
製造孝服官製造給散今欲乞依上件故事下平江府
委官施行劄平江府依所乞疾速差委施行

同日尚書省劄子太常寺申會本府官員將校若依別
州軍聞詔日便成服切慮駐蹕去處事不同亦欲聞詔
日便置神位舉哀候成服日官員將校各行掛服本寺

契勘欲候行在百官舉哀成服日令本府官員將校舉哀成服三日而止候指揮劄付平江府依劄子內事理施行

同日太常寺言檢會紹興元年故事其御前禁衛行門班直親從快行親事輦官皇城司親兵等自成服日並服青紫或褐衫帶子如遇朝殿亦服之至釋服日並依舊今來欲依上件故事施行詔依

正月二十六日權太常少卿樓炤言合州防禦使據言年八歲防禦使係五品今所定五品官制緣係總角欲依五品官孝服內除去布頭冠幘頭止服襴袴腰經既未赴朝謁即無合行禮數詔依

同日尚書省劄子權太常少卿樓炤等劄子檢會明德

皇后故事 中書樞密院主事以上及禮官亦服齊衰昭
慈聖獻皇后故事 三省樞密院主事以上并禮直官及
引班人並曾製服今乞依故事施行 太常寺供到三省
樞密院主事以上係主事以上有官人其引班人並係
史臺太常寺開劄下平江府照會疾速施行

同日太常寺言勘會將來皇帝成服祭真行禮節次及
行事件今具下項 一合用香案香爐盤盞奠茶酒盃
子盆臺等並乞下提舉欽奉所排辦 一合用御帳施
簾於几筵殿側隨地之宜并合用御座拜褥並奏請拜
褥百官幕次並下儀鸞司排辦 一合用祝文二首並
以皇帝為道君皇帝安德皇一合差讀祝文官一員乞
后前成服既行發奠之意於史官內差 一合用御封降真香二合 一合差侍

香并進茶酒捲簾執燭舉祝版內侍下入內侍省量
人數差充 一合差定時尅擇官二名下太史局差

一合差前導太常卿一員并贊引太常卿博士一員乞

令本寺官充詔依

以日為月大祥禱祭安神卒哭等

禮奠擯殿擯司擯奠擯所差讀祝文官及侍香進茶酒
等至令儀衛司擯所差讀祝文官及侍香進茶酒
引太常卿博士並做此更不重載

正月二十七日尚書省劄子樓炤等申契勘內侍官除

龍德舊宮祇應人自合依今來所定官品服制其餘內

侍官並合服淺淡色依如青皂褐色之類劄下入內內

侍省依劄子內事理施行

正月二十八日留守司劄子權太常少卿樓炤等申按

禮記曾子問曰三年之喪卒哭金革之事無辟也者禮

與孔子曰昔孝魯公伯禽有為之也

注云伯禽封于魯徐成作難喪卒哭

而狂之急王事也

即無易服之文唯春秋記晉襄公始有墨練

之制今未百司咸服休務之後便合入局治事即未審
合從是何禮制候指揮侍從官講議到儀禮閱子審腰
經從事則古人執喪未嘗易服也國朝以來遵用此制
今若遵守祖宗舊制喪制之內入局不易服無可疑者
劄送太常寺照會施行二月四日太常寺言檜會永昌
陵故事皇帝視事日去杖經服斜巾垂帽小祥日改服
布四脚直領布襖腰經布袴二品以上官亦如之本寺
今討論欲乞俟皇帝視事日宰臣奏事合去杖至小祥
日去冠餘官奏事依此又言乞禪除畢服常服羣臣皆
黑帶卒哭始純吉服詔依

二月五日尚書省劄子太常少卿吳表臣等劄子勘會
羣臣孝服已討論外所有大祥臨訖禫致內所服今參
酌永厚陵故事大祥臨訖裏素紗布軟脚幘頭跨布公
服內帶合用白鞵錫帶緣日逼難以製造乞權以布裹
黑帶其公服幘頭依造孝服禮例令平江府製造其布
裹帶逐官自辦所有御史臺閤門太常寺引班人亦合
依此製造右除幘頭令平江府製造外其跨布公服布
裹黑帶每員支布一疋半自行製造劄付禮部施行
二月七日禮部申准都省批下太常寺申檢會祖宗故
事啟攢官并宮癸引日百僚並服初喪服將來迎奉梓
宮到日其百僚亦合服初喪服切慮百僚不知前項故
事乞劄付所屬施行後批依所申成服

成服行禮儀

其日皇帝自內詣道君皇帝寧德皇后几筵殿頃御幄
即座簾降俟時至禮直官太常博士詣太常卿當幄前
俛伏跪奏太常卿臣某言請皇帝為道君皇帝寧德皇
后成服奏訖伏興太常卿士並袒退易服皇帝服袞服文武百
僚於殿門外俟時易服訖入詣殿門外內立班定禮直
官先引讀祝文官詣道君皇帝香案之西東向立俟皇
帝服訖閣門報班齊簾捲禮直官太常博士太常卿前
導皇帝出恆詣殿下西向褥位立奏請拜皇帝再拜在
位官皆再拜訖禮直官太常博士太常卿前導皇帝并
詣道君皇帝几筵香案前奏請上香再上香三上香跪
內侍進茶酒又奏請執盞酹酬茶三奠酒俛伏興奏請

請少立讀祝文官東向跪讀祝文禮直官先引讀祝文
官詣寧德皇后几筵香案之西東向立奏請皇帝舉哭
在位官皆舉哭俟哭止奏請拜皇帝再拜在位官皆再
拜訖前導皇帝詣寧德皇后几筵香案前行禮並如上
儀訖前導皇帝降階復坐西向立又奏請拜皇帝再拜
在位官皆再拜訖前導皇帝歸帷前導官退歸本班次
宰執率文武百官詣皇帝御座前東向立班奉慰再拜
訖次宰執升階入御帷致詞訖降復位再拜訖皇帝還
內百官以次退